

ses efforts, pour me la faire perdre; car elle a fait vne fois naufrage dans les bouillons d'un rapide: vne autre fois elle a esté delaiivée au pied d'un portage, elle a changé de main sept ou huit fois, enfin elle est tombée en celles de ce forcier que i'auois blafmé à l'entrée du Lac des Hurons, lequel en ayant [40] leué la ferrure, prit ce qui luy agreea, & l'abandonna enfuite toute ouuerte à la pluye, & aux passans. Il plut à Dieu confondre le malin esprit, & se feruir du plus grand Iongleur de ces quartiers, homme de six femmes, & d'une vie débordée, pour me la conferuer: Il me la mit entre les mains, lorsque ie n'y pensois plus; me difant que le theriaque, & quelques autres medicaments, avec les Images qui estoient dedans, estoient autant de Manitous, ou de demons qui le feroient mourir, s'il osoit y toucher. I'ay veu par après, par experience, combien ces Escris des langues du país m'ont feruy pour leur conuersion.